

Na osnovu člana 10. i 12. Zakona o udruženjima i fondacijama Bosne i Hercegovine („Službeni glasnik BiH“, br:32/01, 42/03 i 63/08), i člana 22. Zakona o sportu u Bosni i Hercegovini („Službeni glasnik BiH“, broj 27/08), Osnivačka skupština Stonoteniskog saveza Bosne i Hercegovine, na sjednici održanoj 23.11.2008.godine u Sarajevu, donosi:

STATUT Stonoteniskog saveza Bosne i Hercegovine

I OPĆE ODREDBE

Član 1.

Stonoteniski savez Bosne i Hercegovine (u daljem tekstu: Savez) je dobrovoljni oblik udruživanja višeg nivoa koji je osnovan: Odlukom Stonoteniskog saveza Federacije Bosne i Hercegovine broj: 23/08 od 24.07.2008.godine i Stonoteniskog saveza Republike Srpske broj: 11/08 od 14.11.2008.godine.

Stonoteniski savez Bosne i Hercegovine nastavlja kontinuitet dosadašnji aktivnosti svih oblika organizovanja Saveza, što je navedeno u posebnoj odluci Skupštine Saveza.

Član 2.

Ovim Statutom uređuje se:

- naziv, skraćeni naziv i adresa Saveza,
- opis, oblik i sadržaj pečata,
- znak Saveza,
- ciljevi i djelatnost Saveza,
- postupak prijema i isključenja članova Saveza,
- način djelovanja Saveza,
- organi Saveza, način izbora, ovlaštenja koja imaju, kvorum i pravila glasanja, trajanje mandata, lice ovlašteno da sazove Skupštinu, uslove i način raspuštanja, odnosno prestanak rada,
- pravila za ostvarivanje, korištenje i raspolaganje sredstvima Saveza, kao i organ koji je ovlašten za nadzor nad korištenjem tih sredstava,
- javnost rada Saveza,
- postupak za izmjene i dopune Statuta, ovlaštenja i način donošenja drugih općih akata,
- zastupanje Saveza,
- uslove i postupak za pripajanje, razdvajanje, transformaciju ili raspuštanje odnosno prestanak rada Saveza,
- postupak za raspolaganje preostalim imovinom ili drugim sredstvima u slučaju raspuštanja ili prestanka rada Saveza,
- druga pitanja od značaja za organizaciju i djelovanje Saveza.

Član 3.

Puni naziv udruženja je:

Stonoteniski savez Bosne i Hercegovine
Стoнoтeниски сaвeз Бoснe и Хeрцeгoвинe
Stonoteniski savez Bosne i Hercegovine

Skraćeni naziv udruženja je:

STS BiH
CTC БИХ
STS BiH

Naziv Saveza je istovjetan na sva tri službena jezika koji su u upotrebi u Bosni i Hercegovini, a službeno će se koristiti na latiničnom i ćiriličnom pismu.

Član 4.

Sjedište Saveza je u Sarajevu, ulica Maršala Tita 9a/I.

Član 5.

Savez ima svoj znak. Znak je okruglog oblika podijeljen u dvije polovine plavo-žute boje u kojem se nalazi natpis «Stonoteniski savez Bosne i Hercegovine» latinicom i ćirilicom, te stilizovanim likom igrača, stonoteniskog stola, reketa i loptice u sredini.

Član 6.

Pečat Saveza je okruglog oblika promjera 30 mm sa ispisanim riječima latinicom i ćirilicom na obodu: Stonoteniski savez Bosne i Hercegovine, Sarajevo, Стонотениски савез Босне и Херцеговине, Сарајево.
U sredini pečata je znak Saveza.

II CILJEVI I DJELATNOSTI SAVEZA

Član 7.

Ciljevi i djelatnosti Saveza su:

- utvrđivanje i ostvarivanje programa razvoja stonoteniskog sporta, vodeći pri tome računa o preduzimanju aktivnosti za ravnomjerni razvoj stonoteniskog sporta na cijelom prostoru Bosne i Hercegovine,
- utvrđivanje sistema takmičenja kao integralnog dijela cjelokupnog sistema takmičenja u zemlji,
- brigu za obezbjeđivanje uslova za razvoj i unapređivanje stonoteniskog sporta, posebno za razvoj vrhunskih sportista i utvrđivanje statusnih pitanja sportista kroz zajedničke i koordinirane akcije,
- predstavljanje i afirmacija Bosne i Hercegovine na međunarodnim takmičenjima,
- utvrđivanje i obezbjeđivanje školovanje i stručnog usavršavanja kadrova u stonoteniskom sportu u Bosni i Hercegovini,
- razvijanje i sprovođenje međunarodne sportske stonoteniske saradnje,
- oblike davanja društvenih priznavanja sportistima, sportskim radnicima, trenerima i sudijama iz oblasti stonog tenisa,
- obezbjeđivanje i raspolaganje materijalnih sredstava na nivou Bosne i Hercegovine za finansiranje redovne djelatnosti, programa unapređivanja stonoteniskog sporta doprinosa vaspitanju, obrazovanju i razvoju djece i omladine u stonoteniskom sportu,
- prezentacija vrhunskog stonoteniskog stvaralaštva na svim nivoima,
- sistematsko stvaranje uslova za ostvarivanje vrhunskih rezultata u stonom tenisu,

Član 8.

Utvrđene ciljeve Savez ostvaruje na način određen Zakonom, ovim Statutom i drugim općim aktima Saveza.

Za obavljanje navedenih djelatnosti iz člana 6. ovog statuta, Savez može imati svoje urede, kancelarije i druge organizacione oblike izvan svog sjedišta na cijelom području Bosne i Hercegovine.

Odluku o otvaranju organizacionih oblika iz stava 2. ovog člana donosi Skupština natpolovičnom većinom svih članova Skupštine Saveza.

Član 9.

Savez može obavljati srodne privredne djelatnosti koje su neposredno povezane sa statutarnim ciljevima iz člana 6. ovog statuta.

Nesrodne privredne aktivnosti koje nisu neposredno povezane sa statutarnim ciljevima iz člana 6. ovog statuta Savez može obavljati samo preko posebno osnovanog pravnog lica u skladu sa Zakonom.

Član 10.

Savez djeluje na području cijele Bosne i Hercegovine.

Savez je član: Evropske stonoteniske unije ETTU-u i stonoteniske federacije ITTF.

III POSTUPAK ZA PRIJEM I PRESTANAK ČLANSTVA

Član 11.

Članstvo u savezu je dobrovoljno.

Svojstvo člana Saveza može steći svako pravno lice-Stonoteniski savez koji je registrovan kod nadležnih organa u Bosni i Hercegovini u oblasti stonoteniskog sporta.

Član 12.

Članovi Saveza su :

- Redovni
- Pridruženi
- Počasni

Redovni članovi Saveza su lica iz člana 11. ovog statuta . Odluku o prijemu novih članova donosi Skupština Saveza.Redovni članovi potpisuju izjavu o prihvatanju statuta i ciljeva Savezaa.

Pridruženi članovi pristupaju Savezu radi sudjelovanja u realizaciji ciljeva Sveza.

Počasni članovi su lica koja materijalno ili na drugi način pomažu rad Saveza .

Počasni članovi sudjeluju u radu Saveza savjetodavnom funkcijom.

Pridruženi i počasni članovi mogu biti pojedinci i pravna lica bez prava glasa.

Naziv počasnog člana dodjeljuje Skupština na prijedlog Upravnog odbora.

O članovima Saveza vodi se evidencija.

Članovi stonoteniskih organizacija su igrači, funkcioneri i treneri kao aktivni članovi. Pored ovih kategorija članovi stonoteniskih organizacija mogu biti i pomažući članovi prijatelji kao i počasni članovi.

Član 13.

U slučaju izuzetnih zasluga , osnivačima, donatorima i ostalim članovima može se dodjeliti priznanje Saveza.

Odluku o tome donosi Upravni odbor nadpolovičnom većinom glasova svih članova Upravnog odbora , a pismeno priznanje potpisuje predsjednik Upravnog odbora.

Član 14.

Prava i dužnosti članova Saveza su:

- da učestvuju u radu Saveza,
- da biraju organe Saveza i imaju svoje predstavnike u organima Sveza,
- da aktivno sudjeluje u ostvarivanju ciljeva i djelatnosti Saveza,
- da iznosi mišljenja i primjedbe na rad Saveza i organa Saveza,
- da bude informisan o radu svih organa i tijela Saveza,
- da sudjeluje u upravljanju poslovima Saveza,
- da se zalaže za obezbjeđenje sredstava za programe rada Saveza,
- da čuvaju i podižu ugled Saveza,
- da čuvaju materijalna i intelektualna dobra, te izvršavaju preuzete obaveze.

Članovi Saveza su ravnopravni u ostvarivanju svojih prava i dužnosti.

Član 15.

Članstvo u Savezu prestaje:

- dobrovoljnim istupanjem,
- isključenjem zbog teže povrede pravila Saveza,
- usljed duže neopravdane pasivnosti u radu Saveza,
- prestankom rada Saveza,
- ukoliko član izgubi svojstvo pravnog lica.

Član 16.

Svaki član Saveza može istupiti na osnovu pismene izjave o istupanju koju dostavlja Upravnom odboru

Kao dan prestanka članstva u Savezu smatra se datum prijema izjave o istupanju.

Član 17.

Član Saveza koji grubo krši Statut Saveza, ne izvršava svoje obaveze prema Savezu ili svojim postupcima nanosi štetu Savezu ili narušava ugled Saveza, može biti isključen iz Saveza.

Prije donošenja odluke o isključenju, član Saveza mora biti pismeno obavješten o prijedlogu za isključenje, kao i o razlozima zbog kojih se isključenje predlaže.

Odluku o prestanku članstva članice u Savezu donosi Upravni odbor.

Član koji je nezadovoljan odlukom o isključenju, može uložiti prigovor Skupštini Saveza u roku od 15 dana po prijemu obavjesti.

Odluka Skupštine po žalbi je konačna.

IV ORGANI SAVEZA

Član 18.

Organi Saveza su:

1. Skupština
2. Upravni odbor Saveza
3. Nadzorni odbor Saveza

Član 19.

Organi Saveza konstituišu se i odlučuju na osnovama predstavničkog principa. Udružene članice preko svojih članova zastupljene su u organima Saveza na način kako je to uređeno ovim Statutom. Član organa Saveza je za svoj rad i djelovanje odgovoran udruženoj članici koja ga je birala i organu Saveza u kome je član.

1. Skupština

Član 20.

Skupština je najviši organ Saveza koju čine svi članovi sa jednakim pravom glasa. Skupština ima ukupno 30 članova od čega su 20 predstavnika iz Stonoteniskog saveza Federacije Bosne i Hercegovine i 10 predstavnika iz Stonoteniskog saveza Republike Srpske. Sjednicom Skupštine predsjedava predsjednik Skupštine a u njegovoj odsutnosti jedan od dva potpredsjednika

Član 21.

Skupština se sastaje po potrebi, a najmanje jedanom u toku kalendarske godine. Skupština može biti redovna i vanredna.

Skupštinu saziva predsjednik Skupštine najmanje 15 dana prije njenog zasjedanja.
Predsjednik skupštine dužan je sazvati Skupštinu kada to zahtjeva najmanje jedna trećina članova Skupštine ili kada to zatraži Upravni odbor.
Ako predsjednik ne sazove Skupštinu u roku od 30 dana, u slučajevima iz prethodnog stava, Odluku o sazivanju Skupštine donijeće Upravni odbor.

Član 22.

Skupština radi na sjednicama i kvorum je natpolovična većina svih članova Skupštine.
Odluke se donose natpolovičnom većinom svih prisutnih članova Skupštine.
Način rada, sazivanja i odlučivanja na Skupštini utvrđuje se Poslovníkom o radu Skupštine.

Član 23.

Vanredna Skupština Saveza može se sazvati ako to traži Upravni odbor, Nadzorni odbor ili najmanje natpolovična većina delegata u Skupštini. Vanredna Skupština respravlja samo oko pitanja zbog kojih je sazvana.

Član 24.

Skupština Saveza nadležna je za:

- donošenje Statuta, izmjena i dopuna Statuta i drugih akata određenih Statutom,
- donošenje finansijskog plana Saveza i razmatranje i usvajanje izvještaja o radu Upravnog odbora,
- donošenje odluke o imenovanju lica ovlaštenih za zastupanje i predstavljanje Saveza,
- odlučivanje o pripajanju, razdvajanju, transformaciji kao i drugim statusnim promjenama udruženja,
- donosi finasijski plana Saveza, razmatra i usvaja finasijski izvještaj i izvještaj o radu Upravnog odbora,
- donosi program rada i osnovne smjernice razvoja stoteniskog sporta u BiH na period od jedne ili više godina,
- donošenje odluke o otvaranju ureda ili drugih organizacionih oblika u skladu sa ovim statutom,
- donošenje Poslovnika o radu Skupštine,
- donošenje odluke o izboru i razrješenju članova Upravnog odbora, Nadzornog odbora, predsjednika skupštine i dva potpredsjednika,
- usvajanje izvještaja koje je pripremio Upravni odbor i Nadzorni odbor,
- donošenje odluke o prestanku rada Saveza i raspodjeli preostale imovine nakon raspuštanja Saveza,
- donošenje odluka o dodjeljivanju nagrada i priznanja
- politiku raspodjele sredstava potrebnih za rad Saveza,
- molbe i žalbe po zahtjevima članova,
- obavlja i druge poslove predviđene ovim Statutom, koji nisu u nadležnosti organa Saveza.

Član 25.

Izborna Skupština se održava svake 4 godine. Mandat svih tijela i funkcija izabranih lica traje 4 godine.

Skupština ima predsjednika Skupštine i 2 potpredsjednika Skupštine koji se biraju iz različitih konstitutivnih naroda u Bosni i Hercegovini na period od četiri godine s mogućnošću ponovnog izbora,.

Predsjednik i potpredsjednici Skupštine se rotiraju svakih 16 mjeseci po redosljedu koji utvrdi Skupština.

Član 26.

Radom Skupštine rukovodi Predsjednik Skupštine koji obavlja slijedeće poslove:

- zastupa i predstavlja savez u pravnom prometu,
- stara se o organizovanju sjednica i saziva skupštine,
- predlaže dnevni red sjednica,
- predsjedava sjednicama Skupštine,
- potpisuje akte donesene na Skupštini,
- stara se o izvršavanju odluka, zaključaka i drugih akata Skupštine,
- koordinira rad organa i tjela Skupštine,
- vrši i druge poslove koje mu odredi Skupština.

U slučaju sprječenosti prisustvovanja Skupštini, Predsjednik Skupštine će odlukom ovlastiti jednog od potpredsjednika koji će ga zamjeniti u obavljanju poslova iz prethodnog stava izuzev poslova za zastupanje i predstavljanje Saveza. Koje može obavljati samo lice koje imenuje Skupština Sveza.

Odluke u Skupštini donose se javnim glasanjem, a samo izuzetno tajnim glasanjem.

2. Upravni odbor

Član 27.

Upravni odbor je kolektivni izvršni organ Skupštine Saveza.

Upravni odbor broji 9 članova i to: predsjednik, dva potpredsjednika i šest članova pri čijem se izboru mora voditi računa o stavovima i kriterijima o zastupljenosti udruženih članica u Savez (šest članova iz Stonoteniskog saveza Federacije Bosne i Hercegovine i tri člana Stonoteniskog saveza Republike Srpske).

Član 28.

Upravni odbor Saveza radi kao kolektivni organ s tim što se među njegovim članovima vrši podjela zaduženja za pojedina područja rada.

Mandat članova Upravnog odbora je 4 godine sa mogućnošću ponovnog reizbora. Predsjednik i dva potpredsjednika se u mandatnom periodu međusobno smjenjuju svakih 16 mjeseci prema redosljedu koji utvrdi Skupština.

Upravni odbor i svaki njegov član pojedinačno su odgovorni Skupštini.

Član 29.

Upravni odbor Saveza ima sljedeće nadležnosti:

- priprema sjednice Skupštine,
- donosi opšta akta osim onih iz nadležnost Skupštine,
- podnosi izvještaj o svom radu Skupštini na razmatranje i usvajanje, najmanje jednom godišnje,
- provodi politiku, zaključke i druge odluke koje je donijela Skupština,
- priprema nacrt Statuta i drugih akata koje donosi Skupština,
- priprema Finasijski plan i Završni finasijski izvještaj za sjednicu Skupštine,
- utvrđuje svoj plan kao i plan organa koje imenuje,
- upravlja i raspolaze imovinom Saveza,
- donosi Pravilnik o sistemu takmičenja,
- donosi Pravilnik za rang liste,
- donosi Pravilnik o registraciji stonoteniskih klubova i igrača,
- donosi Disciplinski pravilnik,
- donosi godišnji plan i program rada,
- bira i razrješava Generalnog sekretara i tehničkog sekretara,
- bira predsjednike stalnih komisija,
- imenuje i razrješava članove stalnih i povremenih komisija,
- bira stručni tim Stonoteniske reprezentacije BiH (direktora, selektora, trenere),
- daje prijedloge Skupštini za nagrade i priznanja,
- obavlja i druge poslove utvrđene ovim statutom i aktima Saveza i koje mu stavi u nadležnost

Član 30.

Upravni odbor svoje sjednice održava redovno jedanput u dva mjeseca, a vanredno prema potrebi.

Kvorum Upravnog odbora je natpolovična većina svih članova Upravnog odbora, a odluke se donose natpolovičnom većinom svih prisutnih članova Upravnog odbora.

Član 31.

Članovi Upravnog odbora mogu biti opozvani i prije isteka vremena na koji su izabrani i to:

- na sopstvani zahtjev,
 - ako duži period neopravdano odsustvuju sa sjednica Upravnog odbora,
 - ako svojim radnjama ruše ugled Saveza,
 - kao i drugim slučajevima predviđenim Zakonom, ovim Statutom i aktima Saveza,
- O opozivu člana Upravnog odbora odlučuje Skupština Saveza.

Član 32.

Predsjednik Upravnog odbora bira Skupština na period od četiri godine sa mogućnošću ponovnog izbora.

Predsjednik Upravnog odbora obavlja sljedeće poslove:

- predstavlja i zastupa Savez u pravnom prometu,
- saziva sjednice Upravnog odbora, samoinicijativno ili na zahtjev natpolovične većine članova Upravnog odbora,
- rukovodi radom sjednica,
- stara se o provođenju programa rada, odluka, zaključaka i smjernica Skupštine,
- potpisuje akte koje donosi Upravni odbor,
- stara se o provođenju programa rada Upravnog odbora,
- podnosi godišnji izvještaj Skupštini o svom i radu Upravnog odbora,
- odgovoran je za zakonitost i poslovanje Saveza
- vrši i druge poslove koji mu povjeri Skupština.

U slučaju sprječenosti, predsjednika Upravnog odbora mijenja jedan od potpredsjednika kojeg je ovlastio predsjednik posebnom odlukom. U tom slučaju potpredsjednik obavlja povjerene poslove koje bi trebao obaviti predsjednik, izuzev poslova zastupanja i predavljanja u pravnom prometu..

Član 33.

Predsjednik Upravnog odbora može biti opozvan i prije isteka na koji je izabran:

- na sopstvani zahtjev,
- ako pravilno ne obavlja poslove i zadatke koje su mu povjereni
- u drugim slučajevima predviđenim Zakonom i ovim Statutom.

3. Nadzorni odbor

Član 34.

Nadzorni odbor je nadzorni organ , ovlašćen za nadzor korištenja sredstava Saveza , prema pravilima za ostvarivanje i korištenje sredstvima Saveza, utvrđenim ovim statutom i važećim propisima.

Nadzorni odbor ima tri člana: predsjednika i dva člana koje bira Skupština na period od 4 godine sa mogućnošću ponovnog izbora.

Nadzorni odbor prati i vrši nadzor nad primjenom Statuta, dogovora, sporazuma i drugih akata, materijalno-financijskog poslovanje Saveza kao i utrošku sredstava i o tome podnosi izvještaj Skupštini najmanje jednom godišnje.

U slučaju težih kršenja Statuta i drugih akata Nadzorni odbor može sazvati vanrednu Skupštinu Saveza. Član Nadzornog odbora ne može biti član Upravnog odbora Saveza.

Nadzorni odbor radi na sjednicama i kvorum je nadpolovična većina svih članova Nadzornog odbora , a odluke donosi nadpolovičnom većinom ukupnog broja svih prisutnih članova Nadzornog odbora.

V GENERALNI SEKRETAR

Član 35.

Savez ima generalnog sekretara kojeg imenuje Upravni odbor na osnovu javnog konkursa na period od 4 godine u skladu sa Pravilnikom o sistematizaciji radnih mjesta, koji donosi Upravni odbor..

Član 36.

Generalni sekretar obavlja slijedeće poslove:

- priprema sjednice Skupštine, Upravnog odbora i njihovih tijela,
- brine o zakonitosti rada,
- stara se o marketinškom pristupu, prilivu finansijskih sredstava i njihovoj racionalnoj i zakonskoj potrošnji, vezano za optimalno funkcionisanje stručnih službi Saveza kao cjeline,
- osigurava javnost rada u sredstvima informisanja o radu Saveza,
- predlaže Upravnom odboru broj i profil saradnika i uslove kako ih angažovati,
- ostvaruje saradnju sa međunarodnim stonoteniskim asocijacijama (ITTF, ETTU),
- vrši druge poslove u skladu sa aktima Saveza.

Generalni sekretar je u svom radu samostalan, a za svoj rad je odgovoran Upravnom odboru Saveza

Član 37.

Generalni sekretar može biti opozvan i prije isteka vremena na koji je izabran i to:

- na sopstveni zahtjev,
- ako svojim radnjama ruši ugled Saveza i njegovih tijela,
- ako ne postupa u skladu sa uputama Skupštine i Upravnog odbora,
- kao i drugim slučajevima predviđenim Zakonom, ovim statutom i aktima Saveza.

VI DIREKTOR REPREZENTACIJA

Član 38.

Savez ima direktora reprezentacija kojeg bira Upravni odbor, na bazi javnog konkursa na period od 4 godine.

Član 39.

Direktor reprezentacija obavlja slijedeće poslove:

- poslove rukovođenja državnim reprezentacijama,
- prijedlogom i izradom godišnjeg i dugoročnog programa rada sa svim selekcijama,
- prijedlogom kalendara za nastupe selekcija u slijedećoj sezoni, vodeći računa da domaća budu u funkciji međunarodnih takmičenja,
- obezbjeđuje sve potrebne uslove za optimalan rad reprezentativnih selekcija,
- obezbjeđuje potrebna finansijska sredstva za optimalne nastupe selekcija,
- brine se za njihovu zakonsku i racionalnu potrošnju,
- koordinira rad selektora, trenera selekcija i klupskih trenera i svim subjektima drugih struka a sve radi stvaranja uvjeta za postizanje vrhunskih sportskih rezultata,
- po završetku svakog reprezentativnog nastupa podnosi kompletan izvještaj sa takmičarskog i finansijskog aspekta, a na kraju takmičarske sezone zbirni izvještaj o nastupu selekcija.

Direktor je samostalan u svom radu, a za svoj rad odgovoran je Upravnom odboru Saveza

Član 40.

Direktor reprezentacija može biti opozvan i prije isteka roka na koji je biran i to:

- na sopstveni zahtjev,
- ako svojim radnjama ruši ugled Saveza i reprezentacija.
- ako ne postupa u skladu sa uputama Upravnog odbora.
- kao i u drugim slučajevima predviđenim zakonom, ovim statutom i aktima Saveza.

VII TEHNIČKI SEKRETAR

Član 41.

Savez ima tehničkog sekretara kojeg imenuje Upravni odbor a koji za svoj rad odgovora generalnom sekretaru Saveza.

Član 42.

Tehnički sekretar obavlja sljedeće poslove:

- prijem, sređivanje, arhiviranje svih materijala Saveza.
- pripremanje i distribucija svih materijala Saveza.
- pripremanje i distribucija materijala za sjednice svih tijela Saveza,
- vođenje datoteke podataka i promjena i arhiviranja u sistem.
- vođenje korespondencije sa klubovima, dajvanje informacija o takmičenjima,
- koncipiranje, ažuriranje veb stranice Saveza.
- koordinacija rada stručnih komisija Saveza. i vođenje njihove korespondencije,
- vođenje žrijebanja za sva takmičenja, i praćenje ispravnosti istih,
- kontrola vjerodostojnosti izrade zvaničnih rang-lista za sve konkurencije,

Član 43.

Tehnički sekretar može biti opozvan i prije isteka roka na koji je imenovan i to:

- na sopstveni zahtjev,
- ako svojim radom ruši ugled Saveza,
- ako ne postupa u skladu sa uputama Upravnog odbora.
- i u drugim slučajevima predviđenih Zakonom, ovim statutom i aktima Saveza.

Član 44.

Radi što uspješnijeg rješavanja određenih pitanja iz djelokruga svog rada kod pripremanja prijedloga i stručnih mišljenja Upravni odbor Saveza obrazuje sljedeće stalne komisije:

1. Komisija za unapređenje stonoteniskog sporta,
2. Takmičarska komisija,
3. Registraciona komisija,
4. Disciplinska komisija,

Komisije mogu punovažno odlučivati o pitanjima iz djelokruga svoga rada ukoliko sjednicama rada prisustvuje najmanje 2/3 članova komisije. Sjednicama predsjedava predsjednik komisije, a u njegovom odsustvu jedan od članova kojeg ostali članovi komisije izaberu za predsjedavajućeg.

Član 45.

Upravni odbor po ukazanoj potrebi može formirati i druge stalne i povremene komisije.

VIII KOMISIJA ZA UNAPREĐENJE STONOTENISKOG SPORTA

Član 46.

Komisija za unapređenje stonoteniskog sporta održava sjednice u užem i širem sastavu. Komisija u užem sastavu broji 7 članova koje bira Upravni odbor Saveza. Sjednicama Komisije u širem sastavu prisustvuju stručni stonoteniski radnici zavisno od problematike koja se raspravlja.

Komisija za unapređenje stonoteniskog sporta predstavlja stručno savjetodavno tijelo i pravno odbora sastavljeno od najistaknutijih stručnjaka i društvenih radnika u stonoteniskom sportu.

Član 47.

Komisija za unapređenje stonoteniskog sporta posebno se bavi poslovima:

- unapređivanje i usavršavanje stručnog rada u Savezu,
- preporukama i mišljenjima stručnog karaktera o razvoju stonoteniskog sporta na prostorima Bosne i Hercegovine,
- vrši stručnu analizu i daje odgovarajuće preporuke o pitanjima u oblast stručne problematike,
- predlaže Upravnom odboru planove i programe rada u dijelu unapređenja stonoteniskog sporta,
- vrši stručnu analizu i daje saglasnost na programe priprema perspektivnih sportista kroz stonoteniske škole, prati i analizira rad ovih škola,
- daje mišljenje o organizaciji većih stonoteniskih takmičenja na prostorima Bosne i Hercegovine.

IX TAKMIČARSKA KOMISIJA

Član 48.

Takmičenja su osnovni vid aktivnosti udruženih članica. Odvijaju se prema pravilima Međunarodne stonoteniske unije (ETTU), čije zvanično službeno tumačenje objavljuje Savez. Takmičenja na nivou Bosne i Hercegovine organizuju se na osnovu Pravilnika o registraciji stonoteniskih takmičenja Saveza.

Takmičarska komisija se sastoji od 5 članova koje bira Upravni odbor. Zadatak Komisije je da prati, predloži i evidentira sprovođenje usvojenog sistema i kalendara takmičenja kao i da predlaže Upravnom odboru mjere za unapređenje sistema takmičenja u Bosni i Hercegovini.

X REGISTRACIONA KOMISIJA

Član 49.

Registraciona komisija se sastoji od 3 člana koje bira Upravni odbor. Zadatak Komisije je da na osnovu postojećih pravilnika cijeni ispravnost i potpunost registracione dokumentacije klubova i pojedinaca, te da na osnovu toga vrši registraciju, rješava po prigovorima na registraciju i vodi sve ostale poslove vezane za pravilnu registraciju klubova i pojedinaca.

XI DISCIPLINSKA KOMISIJA

Član 50.

Disciplinska komisija broji 3 člana koje bira Upravni odbor. Disciplinska komisija radi po propisima Disciplinskog pravilnika Saveza. Disciplinski Pravilnik Saveza je jedinstven i obavezan za sve članove na teritoriji Bosne i Hercegovine. On propisuje postupak za izricanje disciplinskih mjera igračima, funkcionerima

naše discipline i štete ugledu stonoteniskog sporta.

XII SUDIJSKA ORGANIZACIJA

Član 51.

Sudijska organizacija se samostalno organizuje i bira svoje organe shodno odredbama Pravilnika o organizaciji stonoteniskih sudija Saveza.

Sudijska organizacija radi po svome pravilniku kojeg usvoji Upravni odbor.

XIII JAVNOST RADA

Član 52.

Rad organa, komisija i izabranih funkcionera u Savezu je javan.

Javnost rada Saveza se ostvaruje na način utvrđen Zakonom i ovim Statutom.

Član 53.

Javnost rada se obezbjeđuje:

- javnim održavanjem sjednica,
- blagovremenim i objektivnim informisanjem svih članica o radu Saveza,
- stalnom saradnjom sa predstavnicima sredstava javnog informisanja,
- objavljujućem odluka organa Saveza,
- primjenom ostalih mogućih oblika upoznavanja javnosti.

Član 54.

Članovi Saveza imaju pravo da budu informisani o radu svih organa Saveza. Za informisanje članova Saveza zadužen je predsjednik Upravnog odbora.

XIV MATERIJALNO – FINANSIJSKO POSLOVANJE

Član 55.

Materijalno – finansijsko poslovanje Saveza odvija se u skladu sa važećim zakonskim propisima i aktima koje donosi Savez.

Član 56.

Za realizaciju zadataka Savez ostvaruje sredstva:

- od članarina
- iz budžetskih sredstava institucija Bosne i Hercegovine, entiteta i drugih nivoa administrativnog organizovanja
- iz donacija i sponzorstva pravnih i fizičkih lica
- od igara na sreću
- iz prihoda organizovanja stonoteniskih takmičenja
- iz drugih prihoda.

Član 57.

Imovinom i sredstvima Saveza upravlja Upravni odbor sa pažnjom dobrog domaćina. Upravni odbor Saveza putem stručnih službi i generalnog sekretara Saveza dužan je uredno voditi poslovne knjige i sastavljati finansijske izvještaje u skladu sa zakonom i drugim propisima. Predsjednik Upravnog odbora Saveza u ime Upravnog odbora podnosi redovni godišnji finansijski izvještaj Skupštini

Član 58.

Člani Saveza i raspodjela finansiskih sredstava utvrđuju se finansiskim planom Saveza kojeg donosi Skupština, na prijedlog Upravnog odbora.

O upotrebi sredstava, u skladu sa finansiskim planom odlučuje Upravni odbor. Naredbodavac za izvršavanje finansiskog plana i programa rada je predsjednik Upravnog odbora.

Član 59.

Sredstva Saveza se mogu upotrebljavati isključivo radi ostvarivanja ciljeva i djelatnosti Saveza.

Član 60.

Nadzor nad upotrebom i raspolaganjem sredstava Saveza vrši Nadzorni odbor Saveza.

Predsjednik Nadzornog odbora je dužan o pravilnosti i ispravnosti trošenja sredstava Saveza izvještavati Skupštinu najmanje jednom u tri mjeseca.

O svakoj uočenoj nepravilnosti u trošenju i raspolaganju sredstava Nadzorni odbor je dužan odmah izvjestiti predsjednika Skupštine, koji je u roku 15 dana dužan sazvati vanrednu Skupštinu.

XV POSTUPAK DONOŠENJA, IZMJENA I DOPUNA STATUTA I DRUGIH AKATA

Član 61.

Osnovni opći akt Saveza je Statut.

Savez može donositi i druge opće akte: pravilnike, odluke poslovničke, koji moraju biti usaglašeni sa Zakonom i ovim Statutom. Pojedinačni akti su odluke, zaključci i mišljenja.

Član 62.

Na sastancima organa upravljanja i njegovim komisijama obavezno se sačinjavaju zapisnici. Zapisnici obavezno sadrže i odražavaju tok rada sastanka i sadrže odluke koje su donjeli organi upravljanja na sjednicama.

Zapisnici moraju biti potpisani

Član 63.

Inicijativu za izmjene i dopune Statuta može podnijeti svaki član Saveza. Inicijativa se podnosi Upravnom odboru u pismenoj formi, sa odgovarajućim obrazloženjem.

Utvrđeni prijedlog Statuta dostavlja se na razmatranje i usvajanje Skupštini, najmanje 15 dana prije njenog održavanja.

Član 64.

O izmjenama i dopunama Statuta odlučuje Skupština nadpolovičnom većinom glasova svih članova Skupštine. Predsjednik Skupštine potpisuje odluke o izmjenama i dopunama Statuta koje se smatraju originalom i čuvaju u arhivi Saveza.

Član 65.

XVI ZASTUPANJE SAVEZA

Osoba ovlaštena za predstavljanje i zastupanje Saveza prema trećim licima su predsjednik Skupštine Saveza, i predsjednik Upravnog odbora Saveza.

U postupcima u kojima Savez učestvuje kao stranka radi ostvarivanja svojih prava, dužnosti i odgovornosti pred nadležnim organima, predsjednik Upravnog odbora može dati punomoć za zastupanje advokatu ili drugom stručnom licu.

XVII USLOVI, POSTUPAK ZA PRIPAJANJE, RAZDVAJANJE, TRANSFORMACIJU I PRESTANAK RADA SAVEZA

Član 66.

Savez se može spojiti, razdvojiti ili transformirati u drugo udruženje ili fondaciju u skladu sa Zakonom. Odluku o tome donosi Skupština nadpolovičnom većinom glasova svih članova Skupštine.

Odlukom iz prethodnog stava se reguliše naročito: naziv i sjedište, podjela imovine, prava i obaveze, kao i druga pitanja koja se odnose na statusne promjene Saveza.

Član 67.

Savez može prestati s radom u sljedećim slučajevima:

- ako Skupština donese odluku o prestanku, pripajanju, razdvajanju ili transformaciji,
- ako je proteklo dvostruko više vremena od vremena utvrđenog u ovom statutu za održavanje Skupštine Saveza, a Skupština nije održana,
- ako se broj udruženih članica u Savezu, smanji ispod broja tri,

Skupština Saveza može donijeti odluku o dobrovoljnom prestanku dvotrećinskom većinom glasova svih članova Skupštine.

Član 68.

Savez prestaje sa radom po sili Zakona, u skladu sa članom 51. i 52. Zakona.

Savez je obavezan svaku statusnu promjenu prijaviti Ministarstvu u roku utvrđenom člana 43. stav 1. Zakona.

XVIII RASPODJELA IMOVINE U SLUČAJU PRESTANKA RADA SAVEZA

Član 69.

Sa odlukom o prestanku rada Saveza, Skupština donosi plan likvidacije Saveza.

Plan likvidacije sadrži popis i raspored imovine, prava i obaveze Saveza.

Skupština imenuje likvidatora koji ima zadatak da se stara o izvršenju plana likvidacije.

Likvidator je ovlašten da zastupa Savez u postupku likvidacije i u postupku podnošenja zahtjeva za prijavu prestanka rada Saveza kod nadležnih organa.

Član 70.

Imovina kod raspuštanja Saveza, nakon izmirenja svih zakonskih obaveza radom, dodjeli će se nekom drugom sportskom udruženju koje obavlja iste ili slične djelatnosti, a na osnovu odluke Skupštine Saveza.

KLJUČNE ODREDBE

Član 71.

Ustavna odredaba ovog Statuta daje Skupština.


Član 72.

Ovaj Statut stupa na snagu danom njegovog donošenja, a primjenjivat će se od dana upisa Statuta u registar kod nadležnog Ministarstva.

U Zagrebu, 23.11.2008 godine

Broj: 02/08

PREDSJEDNIK SKUPŠTINE


Hajdarbegović Safet